

Sus. monem aperit.

Legatis præcipit circa penas malefactorum.

Et Baronibus

Prohibet Theaurariis ne provisiones contra præsentium formam admittant.

Prohibet in posterum fieri hujusmodi licentias.

§.27. Nostræ autem mentis fuisse, & esse declaramus Regulæ Cancellariæ super revocatione indultorum superviventis per Nos editæ nullatenus præjudicare, quinimo eam quoad omnia in illa comprehensa, ac omnes, & quascumque personas quavis dignitate etiam Cardinalitatis fulgentes confirmamus, & quatenus opus sit, innovamus, & extendimus.

§.28. Ceterum Legatis, & aliis omnibus Officialibus prædictis ad quos spectat, seu in futurum quomodolibet spectabit, quatenus Constitutionem Sixti Quinti Prædecessoris prædicti circa penas malefactorum editam, quam in omnibus, & quoad omnia cum suis declarationibus postea factis innovamus, omnino observent.

§.29. Omnibusque, & singulis Sedis prædictæ Feudatariis, sive Baronibus ei mediate, vel immediate subjectis, nec eos ad alias, quam ad tres Sedes Apostolicæ transmittere audeant, seu præsumant, præcipimus, & inhibemus.

§.30. Appaltatoribus vero, Theaurariis, Depositaris, Commissariis, Executoribus, & cæteris Agentibus, & Ministris Camera, & Communitatum prædictarum, ne contra præsentium formam provisiones, concessionem, assignationesque prædictas de cætero solvant, aut exemptiones, gratias, & immunitates, nisi, ut præfertur, exceptas, & eas, quæ in eadem Camera ex causa onerosa prædicta, vel ex aliis rationabilibus causis per Nos, ut præfertur, cognoscendis, & approbandis, seu etiam declarandis, illas concessas fuisse, citato Commissario prædicto, verificatæ, & pro talibus in eadem Camera admittæ fuerint, admittant, expresse prohibemus, & si secus solverint, vel admiserint solutiones hujusmodi, ac exemptiones illas nullatenus in eorum computis admitti volumus, sed eorum damno cessuras esse, quinimo eos ad refectionem damni teneri declaramus.

§.31. Ac deinceps perpetuis futuris temporibus nullos licentiarum, facultatum, & privilegiorum quorumcumque etiam ex causa onerosa, ut præfertur, concessorum, vel concedendorum vigore, etiam si extractionem propria auctoritate fieri posse illis permittum sit, extractiones frumentorum, & aliorum prædictorum extra Statum nostrum præfatum, vel etiam ad Loca mediate subjecta, & etiam a Locis mediate subjectis extra dictum Statum aliquo pacto facere impostum concedi posse, aut debere nisi Chirographo manu nostra, aut Romani Pontificis pro tempore existentis, quoties extractio faciendæ erit, sub signato præcedente, alioquin licentias, & facultates hujusmodi, alias quam Chirographo prædicto præcedente pro tempore concedendas, & extractiones faciendas, nullas nulliusque roboris, & momenti fore, & esse, ac ipsos extrahentes in penas supradictas incidere, & ad illarum executionem contra illos irremissibiliter

procedi posse, & debere volumus pariter, & declaramus.

§.32. Postremo omnia, & quæcumque privilegia, facultates, indulta Nobis, & Romano Pontifici pro tempore existentis in statu temporali ratione supremæ potestatis a jure, vel per quavis Apostolicas Constitutiones competentia, seu reservata exercendi, aut eidem supremæ potestati, ac superioritati nostræ, & nostrorum Tribunalium, Officialium, & Judicum Romanæ Curie jurisdictioni, & auctoritati præjudicialia omnibus, & singulis supra nominatis etiam, ut præfertur, qualificatis, ac etiam, ut supra, & aliis quomodolibet concessa quæcumque, exceptis tamen iis, quæ concessa sunt ex causa vere onerosa, scilicet congruæ solutionis pecuniarum dictæ Camera factæ, aut ex investitura, vel immemorabili consuetudine inviolabiliter observata, vel ex aliis rationabilibus causis per Nos, vel Successores nostros cognoscendis, approbandis, seu etiam declarandis competentia, quæ etiam licet tollere non intendamus, tamen nostram, & Romani Pontificis supremam potestatem, superioritatem, nostramque, & ejusdem Rom. Pont., nostrorumque Romanæ Curie Tribunalium, Officialium, & Judicum Jurisdictionem prædictam impedire, aut contra illam præterquam in casibus a jure permittis suffragari posse, vel debere nolumus, nisi prius causa onerosa, vel investitura, seu immemorabili prædicta in eadem Camera, citato Commissario prædicto legitime probata, verificata, & justificata, alie vero causæ rationabiles prædictæ a Nobis, seu Successoribus prædictis pro talibus cognita, approbata, seu declarata fuerint, revocamus pariter, & abrogamus, irritum, & inane etiam decernentes, quicquid secus super his a quoquam quovis prætextu, occasione, vel causa scienter, vel ignoranter contigerit attentari.

§.33. Non obstantibus præmissis, & quatenus opus sit, nostra de non tollendo jure quæsito, ac quibusvis Constitutionibus, & Ordinationibus Apostolicis, necnon statutis, privilegiis, indultis, concessionibus, exemptionibus, immunitatibus, licentiis, facultatibus, deputationibus, confirmationibus, extensionibus, prorogationibus, & Literis Apostolicis prædictis, & quibusvis aliis, etiam ut præfertur, seu alias qualificatis, & speciali nota, & mentione dignis, etiam motu, scientia, & potestate paribus, & etiam consistorialiter, & de eorumdem Cardinalium consilio, & assensu sub quibuscumque verborum formis, & tenoribus, & cum quibusvis etiam derogatoriis derogatoriis, aliisque efficacioribus, & insolitis clausulis, ac irritantibus, & aliis decretis etiam inexcogitabilibus, & necessario exprimendis, etiam in vim contractus jurati, Cameralique obligatione vallati, & quovis alio robore, & cautela firmatis, editis, & seu factis, ac alias quomodolibet in contrarium præmissorum

Abrogant omnia privilegia Rom. Curie præjudicialia.

Contrariis derogat.

con-

Non obstantibus quibuscumque.

Publicari mandat.

Transumptum fides.

Sanctio pernalis.

concessis, ac pluries, & iteratis vicibus confirmatis, approbatis, & innovatis.

§.34. Quibus omnibus, & singulis, etiam si in eis caveatur expresse, quod nullo unquam tempore sub similibus, vel dissimilibus exemptionum, immunitatum, facultatum, licentiarum, concessionum, deputationum, confirmationum, extensionum, prorogationum, gratiarum, privilegiorum, & alienationum, revocationibus, suspensionibus, limitationibus, aut aliis quibuscumque contrariis dispositionibus pro tempore edendis comprehendantur, sed semper ab illis exceptæ, & quoties illæ emanarent, toties in pristinum, & validissimum statum, etiam sub posteriori data per eos quibus concessa sunt, eligenda, restituta, reposita, & plenarie reintegrata, & de novo concessa sint, & esse censeantur, necnon pro illorum sufficienti derogatione de illis, eorumque totis tenoribus specialis, specifica, expressa, & individua, non autem per clausulas generales idem importantes mentio, seu quævis alia expressio habenda, aut aliqua alia exquisita forma ad hoc servanda foret, tenores hujusmodi, ac si de verbo ad verbum nihil penitus omisso, & forma in illis tradita observata inserti forent, præsentibus pro plene, & sufficienter expressis habentes, specialiter, & expresse, ac latissime derogamus, & derogatum esse volumus, cæterisque contrariis quibuscumque.

§.35. Ut autem præsentis literæ ad omnium notitiam facilius deveniant, volumus, & Apostolica auctoritate decernimus, easdem præsentis, ad valvas Basilicæ Principis Apostolorum, & Cancellariæ Apostolicæ, ac in acie Campi Floræ, per aliquem ex Curforibus nostris publicari, & illarum exempla ibidem affixa relinqui, quæ sic publicatæ, & affixæ omnes, & singulos quos concernunt perinde efficiant, & ardeant, ac si illorum unicuique personaliter notificatæ, & intimatæ fuissent.

§.36. Quodque earumdem præsentium transumptis, manu Notarii publici subscriptis, & sigillo alicujus persone in dignitate Ecclesiastica constitutæ munitis, eadem fides in Judicio, & extra habeatur, quæ ipsis originalibus literis haberetur, si essent exhibitæ, vel ostensæ.

§.37. Nulli ergo omnino hominum liceat hanc paginam nostræ reprobationis, reservationis, approbationis, confirmationis, restitutionis, repositionis, reintegrationis, præcepti, statuti, ordinationis, exceptionum, prohibitionum, revocationum, abrogationum, reductionis, inhibitionis, innovationum, declarationum, derogationis, voluntatum, & decretorum infringere, vel ei ausu temerario contraire. Si quis autem hoc attentare præsumperit, indignationem Omnipotentis Dei, ac Beatorum Petri, & Pauli Apostolorum ejus se noverit incursum.

Datum Romæ apud Sanctam Mariam Majorem, Anno Incarnationis Dominicæ

1624. duodecimo Kalendas Novembris Pont. nostri Anno II.

§.38. Quapropter, ut ea, quæ a Paulo V., & Urbano VIII. Prædecessoribus præfatis, in eorum Constitutionibus hujusmodi, necnon etiam ea, quæ a prædicto Clem. VIII. Prædecessore in alia sua Constitutione, etiam in favorem ejusdem Sedis Apost. ac ejus subditorum, quæ incipit *Roman. decet Pontificem*, sub dat. anno 1601. pridie nonas Julii Pontif. sui Anno X. edita, & a Paulo V. per suas, quæ incipiunt: *Pastorale munus*, sub dat. anno 1617. duodecimo Kalend. Decembris Pontificatus sui Anno XIII. necnon a dicto Urbano VIII. Prædecessoribus, per suas sub plumbo expeditas literas quæ incipiunt: *Decens, & equum esse censemus*, sub dat. anno 1627. Kalendis Junii, Pontificatus sui Anno IV. Confirmata, adeo provide sancita, ac respective approbata, & innovata fuerunt, eo firmiter, & exactius ut par est observentur, quo sæpius iterata hujus Sanctæ Sedis auctoritate comprobata fuerint, pro incumbenti Nobis Officii Pastoralis debito providere volentes, necnon omnium, & singularum Constitutionum, & Literarum superius relatarum, & insertæ respective, ac omnium, & singulorum in illis contentorum tenores, & datas etiam veriores, aliaque etiam necessario hic exprimere præsentibus pro expressis, & integre insertis habent.

§.39. Motu proprio, & ex certa scientia, & matura deliberatione nostris, deque Apost. potestatis plenitudine, hac nostra perpetuo valitura constitutione tam primo dictas Const. & Ordinationes Pauli V. ac Urbani VIII. Prædecessorum prædictorum, quam etiam prædictam Const. Clem. VIII. ac prædictas eorumdem Pauli V. & Urbani VIII. literas dictæ Constitutionis prædicti Clementis VIII. confirmatorias, ac etiam constitutionem rec. mem. Sixti Papæ V. itidem Prædecessoris nostri de non offendendo, birruariis, & aliis justitiæ ministris, & executoribus editam, illius quoque tenorem, & datam etiam veriores præsentibus pro expressis habentes, cum omnibus, & singulis in prædictis Constitutionibus, & earum qualibet contentis Apostolica auctoritate perpetuo confirmamus, approbamus, & innovamus, eaque omnia, & singula perpetuo, inviolabiliter, & inconcussè observari sub quibuscumque penis respective expressis in illis, & earum qualibet, scilicet etiam confiscationis bonorum, & læsæ majestatis, rebellionisque in primo capite præcipimus, & mandamus, prædictamque ejusdem Sixti V. Prædecessoris constitutionem, etiam ad offendentes Romanæ ac aliarum dicti nostri Status Ecclesiastici Curiarum Cursores, & mandatarios, ac quoscumque alios Officiales, & Ministros in omnibus, & per omnia extendimus, & ampliamus.

§.40. Ac omnia, & quæcumque privilegia, facultates, licentias, exemptiones,

Const. Pont. qui hic recensentur.

Approbat. & confirmat.

Quæcumque in contrarium revocant.

nes, immunitates, coadjutorias, provisiones, assignationes, & gratias quocumque nomine nuncupatas, per Rom. Pont. Prædecessores nostros, ac d. Sedem Apostolicam, & quosvis Sedis, & Camera prædictarum Officiales, & Ministros quocumque auctoritate, & potestate fungentes, etiam S. R. E. Cardinales, etiam eisdem S. R. E. Camerarios, etiam de Latere Legatos, ceterosque etiam speciali nota, & expressione dignos, ac specialem ad id facultatem habentes, quibusvis Rebuspublicis, Nationibus, Regnis, Provinciis, Communitatibus, Universitatibus, Civitatibus, Terris, & Locis, ac personis in prædictis Constitutionibus, & Literis nominatis, & specificatis, ac etiam prout in illis exprimitur qualificatis, & quibuscumque aliis quacumque qualitate, statu, gradu, conditione, prærogativa, & dignitate, etiam Ecclesiastica, etiam S. R. E. Cardinalatus, ac qualibet alia, etiam mundana dignitate, etiam Imperiali, Regali, Ducali, & alia quacumque præditis, etiam individuum mentionem, & expressionem necessario requirentibus hætenus præter, aut contra tenores, formas, & verba earundem Constitutionum, & cuiuslibet earum, seu aliarum, & cuiuslibet earum dispositioni quomodolibet repugnantia, aut illis quæ prædicti Prædecessores per suas Constitutiones huiusmodi revocarunt, neminique suffragari voluerunt similia, sive ad vitam, sive ad tempus, sive in perpetuum, etiam motu, scientia, deliberatione, & potestatis plenitudine similibus, etiam consistorialiter, ac de unanimi Ven. Fratrum nostrorum Sanctæ Romanæ Ecclesiæ Cardinalium assensu, & voto, etiam cum specifica earundem Constitutionum, & Literarum derogatione, & aliis quomodolibet facta, concessa, emanata, factisque, concessis, emanatis, & iteratis vicibus, ac pluries confirmata, approbata, & innovata, confirmataque, approbatas, & innovatas, quibusdam quæ dicti Prædecessores exceperunt, exceptis, eorum omnium, & singulorum tenores præsentibus similiter pro plene expressis, ac de verbo ad verbum insertis habentes perpetuo revocamus, cassamus, irritamus, abolemus, abrogamus, & annullamus, viribusque, & effectu evacuamus, ac revocata, cassata, irrita, abolita, abrogata, annullata, viribusque, & effectu vacua esse, & perpetuo fore, perinde, ac si nunquam emanassent, eaque imposterum nemini sive in petitorio, sive in possessorio, etiam summarissimo, & aliis quomodolibet suffragari nunquam posse, aut debere decernimus, & declaramus.

Et facultates hæc cuiuslibet familie subditæ.

§.41. Præterea licentias, & facultates cuiuslibet familie subditæ, ac cuiuscumque subdito etiam ut præmittitur, ac aliis quomodolibet qualificato, etiam motu, scientia, deliberatione, & potestatis plenitudine, ac aliis quomodolibet concessas, in propriis Civitatibus, Terris, Castris, Lo-

cis, & Territoriis imponendi, & solventi tales, etiam pecuniarias, ac concedendi quascumque impunitates quibusvis delinquentibus, sive etiam reis cuiuscumque status, gradus, dignitatis, & conditionis existentibus.

§.42. Necnon facultates, auctoritates, & potestates quoscumque bannitos, & facinorosos, ac delinquentes, & reos quibusvis personis, etiam ut præmittitur qualificatis, ratione Civitatum, Terrarum, Castrorum, & Locorum, ac Dominiorum, & Territoriorum quorumcumque, ad eas quomodolibet, & quodcumque, etiam ratione Ecclesiarum, Abbatiarum, Monasteriorum, & aliorum quorumlibet beneficiorum, tam sæcularium, quam regularium, que in titulum, administrationem, seu Commendam, aut alias obtinent spectantium, subditos etiam pro excessibus extra Civitates, Terras, Castra, Loca, Dominia, & Territoria huiusmodi commissis condemnatos, seu condemnatos ac etiam non subditos pro criminibus, delictis, & excessibus quibuscumque, & pro quavis gravissima causa, etiam criminis læsæ majestatis, & pro aliis magis qualificatis, & atrocioribus, ac etiam non habita pace, in Civitatibus, Terris, Castris, Locis, Dominis, & Territoriis huiusmodi dumtaxat commissis, vel committentibus, aut alias quacumque de causa etiam capitaliter bannitos, seu condemnatos, vel imposterum pro tempore bannandos, seu condemnandos, etiam postquam banniti, & condemnati fuerint, per Judices, & Justitiæ Ministros ipsarum Civitatum, Terrarum, Castrorum, Locorum, Dominiorum, Territoriorum huiusmodi ad triremes, vel alias quascumque penas corporis afflictivas, & honorum, & facultatum in toto, vel in parte, distractivas, & privativas, etiam capitaliter, & in ultimi supplicii penam, & ipsa parte aliquo modo non concordata, arbitrio earundem personarum, & quando illis ita videbitur, tam per viam revisionis causa, vel compositionis, aut commutationis, & moderationis penæ, quam ex mera gratia in foro fori absolvendi, & ad patriam, famam, gradus, honores, dignitates, & officia, ac bona quæcumque, etiam fisco incorporata, prout eisdem personis libererit, ac in pristinum, & cum in quo ante patrata delicta, aut sequutam condemnationem reperiebantur statum, sine Romani Pontificis pro tempore existentis, aut cuiusvis alterius personæ, etiam Apostolici de Latere Legati licentia restituent. reponen. & plenarie reintegrandi, ac omnem inhabilitatem, & infamiam abolendi, atque nedum erga facinorosos, & eos ac alios huius generis homines prædictos bannitos, & condemnatos, ac bannien. & condemnatos ut præfertur, sed etiam erga carceratos, & quacumque de causa in posterum per Judices, & justitiæ Ministros Civitatum, Terrarum, Castrorum, Dominiorum, & Territoriorum prædictorum, ac per Judices etiam totius Status Ecclesi-

Item potestates circa Bannitos.

fici, necnon Gubernatorem, & alios Judices, & Tribunalia Urbis, quoad subditos prædictarum personarum, ut præmittitur, pro quibuscumque etiam, ut præfertur, ac etiam magis qualificatis, & atrocioribus, etiam læsæ majestatis delictis, & excessibus quibuscumque, tam in Civitatibus, Terris, Castris, locis, Dominis, & Territoriis præfatis, quam extra illa in Statu Ecclesiastico, seu alibi, ac etiam in Urbe per subditos suos, necnon etiam per non subditos pro similibus delictis, & criminibus in eisdem Civitatibus, Terris, Castris, Locis, Dominis, & Territoriis commissis carceratos, & carceran., ac ex quacumque causa detentos, & arrestatos, seu detinendos, & arrestan., ac per Judices, & Justitiæ Ministros Civitatum, Terrarum, Castrorum, Locorum, Dominiorum, & Territoriorum prædictorum condemnatos seu condemnandos, tam ante, quam post sententiam, & condemnationem, sive penam, etiam capitalem, & ultimi supplicii, ac etiam triremium, seu aliam quacumque, ut præfertur, corporis afflictivam, ac honorum, & facultatum in toto, vel in parte distractivam, & privativam, ac etiam post realem transmissionem factam, seu quodcumque faciendam ad triremes, & dum inibi damnati ad certum tempus, seu ad vitam morantur, facultatibus, auctoritatibus, & potestatibus prædictis pariformiter, & absque ulla prorursus differentia in omnibus, & per omnia semper ubique, etiam in ipsis carceribus, & triremibus utendi, eaque exercendi, & exequendi, necnon homines huiusmodi delinquentes, reos, accusatos, carceratos, & sponte constitutos, processatos, ac eos, & quoscumque alios, etiam ad triremes condemnatos, & actu remiges, etiam condemnationis, seu relegationis tempore nondum finito, & accusandos, sive arrestandos, vel de crimine quocumque prædicto suspectos, delatos, & deferendos, ab omnibus illis pro tempore imputatis, & contra eos delatis criminibus huiusmodi absolvendi, gratiandi, liberandi, penas remittendi, commutandi, moderandi, cum quibusvis desuper componendi, compositiones taxan., & sic absolutos, gratiandos, liberatos, & remissos ad patriam, famam, honores, & bona quæcumque, & in pristinum statum restituendi, omnemque infamiam, & inhabilitatem abolendi facultates.

Quæcumque exemptiones.

§.43. Ac ulterius quascumque exemptiones, seu comprehensionis exclusiones, aut non comprehendendi declarationes, & exceptiones a Const. rec. mem. Julii Papæ III. ac dicti Sixti V., & aliorum quorumvis Pontif. Rom. etiam Prædecessores nostrorum quocumque tempore super bannitorum, seu condemnatorum, & aliorum delinquentium in dictis constitutionibus expressorum receptione editis, illarum tenores, & datas, etiam veriores præsentibus similiter pro expressis habentes, quantum attinet ad bannitorum, seu condemnatorum, & delinquentium huiusmodi re-

ceptionem, & seu consiliis, vicinialium, auxilii, favoris, ac pro singulari certamine faciendo loci præstationem, & quacumque aliam contraventionem, penarumque in huiusmodi Constitutionibus impositarum remissiones, & condonationes.

§.44. Necnon facultates alienandi quocumque titulo bona immobilia, sive jurisdictionalia, sive non jurisdictionalia, & mere allodialia in Statu nostro Ecclesiastico præfatis existentia absque nostra, & Sedis Apostolicæ licentia in forenses, & extraneos.

Alienandi facultates.

§.45. Licentias quoque, & facultates ædificandi Castra etiam diruta, seu arces, & fortalitia construendi in Statu Ecclesiastico, immediato vel immediato prædicto, absque nostra, & Romani Pontificis pro tempore existentis præcedente licentia in scriptis obtinenda, quibusvis personis, etiam ut præmittitur qualificatis quacumque auctoritate, ac quoquomodo, & qualitercumque, ac aliis ut prædictum est concessas, ac semel, & pluries confirmata, & innovata, motu, scientia, deliberatione, & potestatis plenitudine paribus etiam revocamus, cassamus, irritamus, abolemus, abrogamus, annullamus, viribusque, & effectu evacuamus, ac revocata, cassa, irrita, abolita, abrogata, annullata, viribusque, & effectu vacua esse, & perpetuo fore, ac si nunquam emanassent, similiter decernimus, & declaramus. Insuper ad obviandum supplantationibus successorum, tollendamque hereditarie successione imaginem in Ecclesiasticis prohibitam, Nos quascumque mutuas cessiones, ac resignationes ad invicem, cum reservatione fructuum in toto vel in parte, tam in eadem supplicatione seu eodem tempore, quam separatim, & diversis temporibus etiam per menses, & annos interpolatis, ac etiam si correlative non sint, nec censi possint, inter quascumque personas quacumque qualitate, statu, gradu, conditione, prærogativa, autelatione, præminentia, & dignitate, etiam Ecclesiastica, etiam Cardinalatus S. R. E. præditas, quodcumque factas, & a Romanis Pontificibus Prædecessores nostris, & forsitan a Nobis, ex quacumque causa etiam sustentationis admittas, de Monasteriis etiam consistorialibus, & cælestivis, etiam commendari solitis, Ecclesiisque, & beneficiis Ecclesiasticis sæcularibus, & regularibus quiscumque Ordinis, etiam Sancti Joannis Hierosolymitani, & Sancti Antonii Viennen. quantumlibet qualificatis ubique existentibus; supplicationesque, ac etiam motus proprii cedulas quibuscumque clausulis, & decretis etiam insolitis, & extraordinariis munitas super illis signatas, ac Literas Apostolicas provisionum, seu commendarum desuper etiam sub plumbo etiam consistorialiter, ac aliis quomodolibet in favorem cuiuscumque personæ, ut supra qualificata expeditas, etiam possessione sequuta, vel aliis cessiones, seu resigna-

Licentias ædificandi Castra &c.

tionem hujusmodi fuerint sortite plenarium effectum, & nullum jus penes cedentem, seu resignantem remanserit, possessionesque adeptas, & inde sequuta, etiam si ille, seu illi, ad cuius, seu quorum favorem est facta cessio, seu resignatio tituli cum reservatione fructuum ad favorem alterius, eundem titulum, seu titulos cum reservatione fructuum, seu juris illos percipiendi, vel alias quomodolibet etiam libere cesserit, seu resignaverit, seu fructuum perceptionem, & jus illos percipiendi, alteri cesserit, seu cesserint, & cessiones, seu resignationes hujusmodi sicut in aliqua parte, seu in totum fuerint sortite effectum, illarum omnium, & singularum tenores, etiam hic pro expressis, ac de verbo ad verbum insertis habentes similiter revocamus, irritamus, cassamus, & annullamus, ac pro revocatis, cassatis, & annullatis, ac etiam infectis haberi volumus, ac si non emanassent; Monasteriaque, Ecclesias, & alia, ut premissa cessio, vel resignatio, cum reservatione fructuum, non ex persona cessionarii, vel resignatarii, seu alterius, sed per obitum, vel alias quovis modo ex persona primi cedentis, vel resignantis omnino verè, & non sine vacare, ita quod secuta quomodocumque prefata vacatione ex persona primo loco cedentis, vel resignantis, tunc Monasteria, Ecclesia, seu alia prefata conferri possint, & debeant, ipsique cessionarii, & resignatarii, & alii quicumque predicti illorum fructus, & quacumque alia cedentibus, vel resignantibus aliis reservata non possint, nec valeant unquam habere nec percipere, nec in eis aliquo modo se intromittere decernimus, & mandamus. Declarantes quod si unus ex illis inter quos mutua cessio, seu resignatio cum reservatione fructuum in parte, vel in totum, sive eodem, sive diverso tempore ut supra facta precessit, postmodum ad favorem alterius unam seu plures cessiones, vel resignationes cum reservatione fructuum, sive motu proprio, sive ad partis supplicationem, & aliis quovis modo in totum, vel in parte fecerit, seu in futurum faciat, etiam has omnes cessiones, seu resignationes sub hac nostra revocatione comprehendit.

Clausula reservationis apponit.

§.46. Decernentes presentes literas, ac omnia, & singula in illis contenta, etiam ex eo quod quicumque in premissis seu eorum aliquo interesse habentes, vel habere quomodolibet pretendentes, illis nullatenus consenserint, & ad hoc citati, aut auditi non fuerint, minusque causa propter quas eadem presentes emanarunt deducta, verificata, seu aliis sufficienter, aut etiam nullatenus justificata fuerint, nullo unquam tempore de subreptionis, obreptionis, nullitatis, aut invaliditatis vitio, seu intentionis nostre, aut alio quovis defectu, etiam quantumvis magno, inexcogitato, & substantiali, aut ex quovis alio capite a jure, vel facto, aut statuto, seu consuetudine resultantem, vel prescriptionibus,

etiam quadraginta annorum, & ultra, aut quocumque alio colore, preterito, & causa, etiam in corpore juris clausis, aut quod de voluntate nostra hujusmodi, & aliis superius expressis, seu relatis nihil ulibi appareret, seu aliter probati possent, notari, impugnari, invalidari, retractari, in jus vel controversiam revocari, aut ad terminos juris reduci, vel adversus illas restitutionis in integrum, aperiitionis oris, reductionis ad viam, & terminos juris, aut aliud quodcumque juris, facti, gratia, vel iustitia remedium impetrari, seu quomodolibet concedi, aut impetrato vel concessio quempiam uti, seu se juvare in iudicio, vel extra posse, neque ipsas presentes sub quibusvis similibus, vel dissimilibus constitutionibus, & ordinationibus revocationibus, suspensionibus, limitationibus, aut aliis contrariis dispositionibus pro tempore quomodolibet factis comprehendit, sed semper ab illis exceptas, perpetuoque validas, firmas, & efficaces existere, & fore, suisque plenariis, & integros effectus sortiri, & obtinere, ac per omnes, & singulos, ad quos spectat, & quomodolibet spectabit in futurum inviolabiliter observari.

Clausula sublata.

§.47. Sic, ut, & non aliter in premissis omnibus, & singulis per quoscumque iudices ordinarios, & delegatos, etiam causarum Palatii Apostolici Auditores, ac Sancte Romanæ Ecclesie Camerarios, & de Latere Legatos, & Nuntios, & alios quavis auctoritate, & potestate fungentes, nunc & pro tempore existentes in quavis causa, & instantia sublata eis, & eorum cuilibet quavis aliter iudicandi, seu interpretandi facultate, & auctoritate iudicari, & definiri debere, irritumque, & inane quicquid secus super his a quoquam quavis auctoritate scienter, vel ignoranter contigerit attentari.

Contrariis derogat.

§.48. Non obstantibus premissis, ac quatenus opus sit nostra de non tollendo jure quesito, ac Apostolicis, necnon in Universalibus, Provincialibusque, & Synodalibus, Conciliis editis generalibus, vel specialibus Constitutionibus, & Ordinationibus, necnon quibusvis etiam juramento, confirmatione Apostolica, vel alia quavis firmitate roboratis, statutis, & consuetudinibus, etiam immemorabilibus, privilegiis quoque, indultis, concessionibus, exemptionibus, immunitatibus, licentiis, facultatibus, deputationibus, confirmationibus, extensionibus, prorogationibus, chirographis, cedulis motuum priorum, & Literis Apostolicis predictis, & quibusvis aliis, etiam ut prefertur, seu aliis quomodolibet qualificatis, ac specialiter nota, & mentione dignis, etiam motu, scientia, deliberatione, & potestatis plenitudine paribus, etiam consistorialiter, & de eisdem Sancte Romanæ Ecclesie Cardinalium consilio, & unanimi consensu sub quibuscumque verborum formis, & tenoribus, & cum quibusvis etiam derogatoriis derogatoriis, aliisque efficacioribus,

ribus, & insolitis clausulis, ac irritantibus, & aliis decretis etiam inexcogitabilibus, & necessario exprimen. etiam in vim contractus jurati, Cameralique obligatione vallati, & quovis alio robore, & cautela firmatis editis, & seu factis, & emanatis, ac alias quomodolibet in contrarium premissorum concessis, ac pluries, & iteratis vicibus confirmatis, approbatis, & innovatis, necnon omnibus illis, quæ predicti Predecessores in eorum constitutionibus, & literis supra expressis voluerunt non ob stare.

Clausula derogatoria.

§.49. Quibus omnibus, & singulis etiam si in eis caveatur expresse, quod nullo unquam tempore sub similibus, vel dissimilibus exemptionibus, immunitatibus, facultatibus, licentiarum, concessionum, deputationum, confirmationum, extensionum, prorogationum, indulgentiarum, privilegiorum, & assignationum, & gratiarum revocationibus, suspensionibus, limitationibus, aut aliis quibuscumque contrariis dispositionibus pro tempore edendis comprehendantur, sed semper ab illis excepta, & quoties illa emanarent, toties in pristinum, & validissimum statum etiam sub posteriori data per eos quibus concessa sunt eligenda, restituta, reposita, & plenarie reintegrata, & de novo concessa sint, & esse censentur, necnon pro illorum sufficienti derogatione de illis, eorumque totis tenoribus specialis, specifica, expressa, & individua, ac de verbo ad verbum, non autem per clausulas generales idem importantes mentio, seu quævis alia expressio habent, aut aliqua alia exquisita forma ad hoc servanda foret, tenores hujusmodi, ac si de verbo ad verbum nihil penitus omisso, & forma in illis tradita observata inserti forent, presentibus pro plene, & sufficienter expressis habent. Specialiter, & expresse, ac latissime derogamus, & derogatum esse volumus, ceterisque contrariis quibuscumque.

Publicationis forma.

§.50. Ut autem presentes literæ ad omnium notitiam facilius deveniant, volumus, & Apostolica auctoritate decernimus easdem presentes literas ad valvas Basilicæ Principis Apostolorum, & Cancellariæ Apostolicæ, ac in acie Campi Floræ de Urbe per aliquem ex Curforibus nostris publicari, & illarum exempla ibidem affixa relinquere, quæ sic publicata, & affixa omnes, & singulos quos concernunt, perinde afficiant, & ardeant, ac si illorum unicuique personaliter notificata, & intimata fuissent.

Transumptis credi jubet.

§.51. Quodque earumdem presentium transumptis, manu Notarii publici subscriptis, & sigillo alicujus personæ in dignitate ecclesiastica constitutæ munitis, eadem fides in iudicio, & extra habeatur, quæ ipsis originalibus literis haberetur, si forent exhibitæ, vel ostense.

Dat. die 27. Nov. 1645. An. II.

Datum Romæ apud S. Petrum, sub Annulo Piscatoris die 27. Novembris 1645. Pont. nostri Anno II.

Confirmatio Decreti Archiepiscopi Valentini super contributione Ecclesiasticorum cum Laicis pro manutentione 1200. militum pro defensione limitum Regni Valentie ab invasione hostili.

Ex Regest. in Secret. Brevis.

INNOCENTIUS PAPA X.
Ad futuram rei memoriam.

§.1. **N**uper pro parte dilectorum filiorum trium statuum, seu stabilimentorum Universi Regni Valentie Nobis expositum fuit, quod ad eorum instantiam Ven. Frater Archiepiscopus Valentini de Consilio, & assensu dilectorum, etiam filiorum Capituli Ecclesie Valentini, & aliis sub certis modo, & forma tunc expressis decrevit, ut omnes Personæ Ecclesiasticæ Civitatis, & Diocesis Valentini una cum Laicis concurrere deberent in fisis, gabellis, impositionibus, aut aliis modis eligendis pro colligendis pecuniis necessariis ad manutentionem mille, & ducentorum militum spatio quatuor mensium abinde decurrendorum dumtaxat pro defendendis limitibus dicti Regni Valentie, Principatus Cathalonie, & Regno Aragonie, inter quæ viget Bellum contineri, ab invasione hostili, & damnis, qui inde personæ, loca, & bona tam Ecclesiasticorum quam secularium pati possent, reservata tamen nostra, & hujus Sancte Sedis approbatione intra octo menses impetranda, & aliis prout in Decreto ejusdem Archiepiscopi desuper emanato uberius dicitur contineri.

Expositum decretum Archiep. Valentini.

§.2. Quapropter nomine eorundem exponentium fuit Nobis humiliter supplicatum, ut desuper auctoritatem nostram interponere de benignitate Apostolica dignaremur.

Supplicatio pro approbatione ejusdem decreti.

§.3. Nos igitur eosdem exponentes specialibus favoribus, & gratis prosequi volentes, & eorum singulares personas a quibusvis excommunicationis, suspensionis, & interdicti, aliisque Ecclesiasticis sententiis, censuris, & pœnis, a jure, vel ab homine quavis occasione, vel causa latis, si quibus quomodolibet innodata existunt, ad effectum presentium dumtaxat consequendum harum serie absolventes, & absolutas fore censentes, hujusmodi supplicationibus inclinati, de Venerabilium Fratrum nostrorum Sancte Romanæ Ecclesie Cardinalium controversiis Jurisdictionalibus prepositorum quibus hoc negocium examinandum commisimus, consilio, Decretum dicti Archiepiscopi, ut prefertur, factum super contributione dictarum Personarum Ecclesiasticarum pro manutentione predictorum mille, & ducentorum militum per dictos quatuor menses ad prescriptum Cap. Pervenit de Immunitate Ecclesiarum Apostolica auctoritate, tenore presentium convalidamus.

Confirmatur decretum Archiep. Valentini.

§.4. Non obstantibus Apostolicis, ac in Universalibus, Provincialibusque, & Syn-

Derogat contrariis.

nodalibus Conciliis editis generalibus, vel specialibus Constitutionibus, & Ordinationibus, ac quibusvis etiam juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & Litteris Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis illorum tenores præsentibus pro plene, & sufficienter expressis, ac de verbo ad verbum insertis habentes, illis alias in suo robore permanens ad præmissorum effectum hac vice dumtaxat specialiter, & expresse derogamus, cæterisque contrariis quibuscumque.

Datum Romæ apud Sanctum Petrum. sub Annulo Piscatoris, die 2. Decembris 1645. Pontificatus nostri Anno I.

Ex Regest. in Secret. Brev.

XLVIII.

Statutum, ut Congregatio Generalis in Societate Jesu celebretur singulo novennio, neque illius celebratio per Generalem, aut Congregationem particularem, vel generalem impediti, vel ultra novennium differri possit.

INNOCENTIUS PAPA X.
Ad perpetuam rei memoriam.

Congreg. Generalis in Soc. Jesu singulo novennio celebranda.

§.1. Prospero, felicitique statui Societatis Jesu, quæ viris pietate, & doctrina insignibus referta, uberes in Vineâ Domini fructus jugiter producit, pro pastoralis nostræ sollicitudine consulere volentes, audita desuper dilectorum filiorum Presbyterorum Regularium ejusdem Societatis, ad præsens in Urbe generaliter pro faciendâ novi Propositi Generalis electione congregatorum sententia, motu proprio, ac ex certa scientia, & matura deliberatione nostris, deque Apostolicæ potestatis plenitudine, ut in posterum perpetuis futuris temporibus Congregatio Generalis in prædicta Societate singulo quoque novennio computando semper a celebratione ultimæ Congregationis Generalis haberi, & celebrari omnino debeat, ita quod illius celebratio nullo modo, nec ex quavis causâ sive per Præpositum Generalem pro tempore existentem, sive per quamcumque Congregationem particularem, vel generalem impediti, vel ultra novennium hujusmodi differri, seu prorogari possit.

Creatio novorum Assistentium in prædicta Congreg. Generali.

§.2. Præterea ut quotiescumque habebitur, & celebrabitur Congregatio Generalis hujusmodi, toties novi Assistentes ab illis plane diversi, qui præcedente novennio Assistentium hujusmodi muneribus functi fuerint, eligi, seu assumi, & deputari: Ac demum, ut omnes, & singuli ejusdem Societatis Provinciales, Visitatores, Præpositi, Rectores, Superiores locales, & alii Officiales jurisdictionem, seu superioritatem habentes quomodolibet nuncupati, exceptis Magistris Novitiorum,

Reliqui Superiores, exceptis Magistris Novitiorum, per triennium tantum durare debent.

& eorum respective muneribus, superioritatibus, ministeriis, administrationibus, & officiis prædictis quomodocumque nuncupati per triennium dumtaxat durare debeant, eaque elapso triennio hujusmodi eo ipso vacent, & vacare censeantur, ipsosque ad alia quævis ejusdem Societatis munera, superioritates, ministeria, administrationes, & officia prædicta quomodolibet, nuncupata, etiam Vice-Provinctialis, seu Vice-Præpositi, vel Vice-Rectoris nullatenus eligi, seu assumi, vel deputari valeant, nisi per annum cum dimidio saltem a fine dicti triennii computandum a prædictis muneribus, superioritatibus, ministeriis, administrationibus, & officiis prædictis cessaverint, tenore præsentium statui-mus, mandamus præcipimus, & ordinamus.

Hæc non observantibus pena insignuntur.

§.5. Decernentes præmissa omnia, & singula in perpetuum inviolabiliter sub excommunicationis lætæ sententiæ, ac suspensionis a Divinis, privationis vocis activæ, & passivæ, ac officiorum quorumlibet, inhabilitatisque ad illa, & alia quævis impostum obtinenda pœnis ipso facto, absque alia declaratione, tam per mandantes, procurantes, eligentes, & deputantes, quam recipientes, & exequentes irremissibiliter incurrendis observari debere, neque adversus illa, seu illorum aliquod, præsentemque nostram Constitutionem per Præpositum Generalem pro tempore existentem, aut quamcumque Congregationem, etiam generalem, vel quemlibet alium Superiorem, & Officialem dictæ Societatis, aut nostrorum, & pro tempore existentis Romani Pontificis, Sedisque Apostolicæ Nuncios, vel S. R. E. Cardinales, etiam de Latere Legatos, & quosvis alios quacumque potestate fungentes unquam dispensari, disponi, vel derogari posse, & quamcumque dispensationem, dispositionem, & derogationem adversus eadem præmissa, seu eorum aliquod, præsentemque Constitutionem, per prædictos, seu ipsorum aliquem pro tempore quomodolibet factam, sive concessam nullam prorsus, ac nulliter, & subreptitè, obreptitèque extortam fore, & esse, ac censeri, & haberi, neminique ullatenus suffragari debere, præsentisque literas de subreptionis, obreptionis, aut nullitatis vitio, vel intentionis nostræ, seu quocumque alio quantumvis substantiali, & expressam mentionem requirente defectu, ac ex quocumque titulo, prætextu, causa, occasione, & capite etiam in corpore juris clauso notari, impugnari, redargui, rescindi, ad viam, & terminos juris reduci, vel adversus illas restitutionis in integrum, aperiitionis oris, vel quodvis aliud juris, facti, vel gratiæ remedium impetrari, vel etiam motu simili concessio quempiam in judicio, vel extra illud uti minime posse, sed easdem præsentibus semper, & perpetuo validas, firmas, & efficaces existere, & fore, suosque plenarios, & integros effectus sortiri, & obtinere;

Irritatur quælibet super his dispensatio, vel derogatio.

nerè; Sicque, & non aliter in præmissis per quoscumque Judices ordinarios, & delegatos, etiam Causarum Palatii Apostolicis Auditores, ac ejusdem S. R. E. Cardinales, etiam de Latere Legatos, & quosvis alios quacumque potestate fungentes nunc, & pro tempore existentes, sublata eis, & eorum cuilibet quavis aliter iudicandi, & interpretandi facultate, & auctoritate, iudicari, & definiti debere, ac irritum, & inane, si secus super his a quocumque quavis auctoritate scienter, vel ignoranter contigerit attentari.

Contrariis revoventur.

§.5. Non obstantibus quibusvis Apostolicis, & præsertim se. re. Gregorii XIV. una, quæ incipit: *Ecclesia Catholica* sub Datum 28. Junii, & alia, quæ incipit, *Exponi Nobis* sub Datum 30. Augusti 1591. Pontificatus sui Anno I., ac pix me. Pauli V. Romanorum Pontificum Prædecessorum nostrorum, quæ incipit: *Quantum Religio*, de Anno 1606. Pontificatus sui Anno II. aliis que in favorem dictæ Societatis, vel circa illum, seu ejus regimen, ac etiam in Universalibus, Provincialibusque, & Synodalibus Conciliis editis generalibus, vel specialibus Constitutionibus, & Ordinationibus, Universalibus, & quatenus opus sit, nostra, & Cancellariæ Apostolicæ Regula de non tollendo Jure quæsito, necnon prædictæ Societatis, etiam Juramento, Confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & Litteris Apostolicis eidem Societati, illiusque Superioribus, & personis, ac locis quibuslibet, sub quibuscumque verborum tenoribus, & formis, ac cum quibusvis etiam derogatoriis derogatoriis, aliisque efficacioribus, & insolitis clausulis, irritantibusque, & aliis Decretis in genere, vel in specie, ac aliis in contrarium præmissorum quomodolibet concessis, approbatis, & innovatis. Quibus omnibus, & singulis, etiam si pro sufficienti illorum derogatione de illis, eorumque totis tenoribus specificis, expressis, & individua, ac de verbo, ad verbum, non autem per clausulas generales idem importantes mentio, seu quavis alia expressio habenda, aut aliqua alia exquisita forma ad hoc servanda foret, tenores hujusmodi, ac si de verbo ad verbum nihil penitus omisso, & forma in illis tradita observata exprimerentur, & infererentur, præsentibus pro plene, & sufficienter expressis habentes, illis aliis in suo robore permanens, ad præmissorum effectum specialiter, & expresse derogamus, cæterisque contrariis quibuscumque.

Clausulas apponit.

§.6. Volumus autem, ut præsentium transumptis, etiam impressis manu alicujus Notarii publici subscriptis, & sigillo Personæ in Ecclesiastica dignitate constitutæ munitis, eadem prorsus fides ubique locorum, tam in Judicio, quam extra illud habeatur, quæ ipsis præsentibus haberetur, si forent exhibite, vel ostensæ.

Dat. die 1.

Datum Romæ apud S. Petrum, sub

Annulo Piscatoris die 1. Januarii 1646. Pont. nostri Anno II.

XLIX.

Carmelita Discalceati in Processionibus, & aliis actibus publicis eadem fruuntur præcedentia, ac Carmelita Calceati, dummodo incedant sub eadem Cruce cum ipsis Calceatis; alias tenentur servare Constitutionem Gregorii XIII. de super editam.

Ex Regest. in Secret. Brev.

INNOCENTIUS PAPA X.
Ad perpetuam rei memoriam.

Pastoralis Officii Nobis Divinitus in-juncti assidua sollicitudo Nos admonet ut ad ea semper intendamus per quæ Regularium Personarum quarumlibet quieti consulitur.

Procurium.

§.1. Cum itaque, sicut Dilectus Filius Procurator Generalis Ordinis Fratrum Discalceatorum Beatæ Mariæ Virginis de Monte Carmelo primitivæ Observantiæ Congregationis Hispaniarum Nobis nuper exponi fecit, nonnulli alii Regulares in partibus Hispaniarum non obstantibus habitu, regula, professione, ac denominatione, seu titulo a diversis Romanis Pontificibus Prædecessoribus nostris, atque etiam ab universo Populo Christiano ubique dari solitis eisdem Fratribus Discalceatis dicti Ordinis Carmelitici, ausu temerario contra Decreta, seu Declarationes felicis recordationis Clementis VIII. sub Datum 20. Augusti millesimo sexcentesimo tertio, Pauli V. etiam Romanorum Pontificum Prædecessorum nostrorum sub Data 2. Septembris anni etiam millesimi sexcentissimi quinti emanata, contendunt, Ordinem prædictum non esse unam eandemque Religionem cum Fratribus Carmelitis Calceatis, neque unum ex quatuor Mendicantium Ordinibus, neque etiam eisdem Fratres Discalceatos hujusmodi in comitiis, processionibus, & aliis actibus publicis debere cum eisdem Carmelitis Calceatis unitos, mixtos, & incorporatos incedere; Nobis propterea idem Procurator Generalis humiliter supplicari fecit, ut de opportuno circa decreta, seu declarationes hujusmodi remedio providere de benignitate Apostolica dignaremur.

Motiva.

§.2. Nos igitur eundem Procuratorem Generalem specialibus favoribus, & gratis prosequi volentes, & a quibusvis excommunicationis, suspensionis, & interdicti, aliisque Ecclesiasticis sententiis, censuris, & pœnis a jure, vel ab homine quavis occasione, vel causa latis, si quibus quomodolibet innodatus existit, ad effectum præsentium dumtaxat consequendum harum serie absolventes, & absolutum fore censentes, hujusmodi supplicationibus inclinati de Venerabilium Fratrum nostrorum S. R. E. Cardinalium negotiis, & consultationibus Episcoporum, & Regularium

Carmelitis Discalceatis in Processionibus, sub eadem Cruce cum Calceatis incedere conceditur.

Alia inter ipsos servetur precedentia.

rium prepositorum consilio, prefata Decreta eorundem Clementis, & Pauli Prædecessorum, modo tamen dicti Fratres Discalceati cum eisdem Fratribus Carmelitis Calceatis sub eadem Cruce incedant, sin minus servetur Constitutio san. mem. Gregorii Papæ XIII. etiam Prædecessoris nostri super præcedentia inter Regulares diversarum Religionum, Apostolica auctoritate tenore præsentium confirmamus, & approbamus, illisque inviolabilis Apostolica firmitatis robur adiciamus, ac omnes, & singulos, tam juris, quam facti defectus, si qui desuper quomodolibet intervenerint supplemus, salva tamen semper auctoritate Congregationis eorundem Cardinalium.

Clusula apponuntur.

§. 3. Decernentes præsentibus Literas validas, firmas, & efficaces existere, & fore suosque plenarios, & integros effectus sortiri, & obtinere, ac ab omnibus, & singulis ad quos spectat, & pro tempore spectabit inviolabiliter observari, sicque ab omnibus pariter, & singulis censeri, reputari, judicari, & definiti debere, ac irritum, & inane, si secus super his a quoquam, quavis auctoritate scienter, vel ignoranter contigerit attentari.

Pœnis injungit non obediens.

§. 4. Quocirca Venerabilibus Fratribus, Patriarchis, Archiepiscopis, Episcopis, ac dilectis filiis Nostris, & Apostolica Sedis Nunciis per præsentibus committimus, & mandamus, quatenus ipsi per se, vel alium, seu alios præsentibus literas, & in eis contenta quæcumque, ubi, & quando opus fuerit, & quoties pro parte eorundem Fratrum Discalceatorum dictæ Congregationis Hispaniarum fuerint requisiti solemniter publicantes, illisque in præmissis efficacis defensionis præsidio assistentes, faciant auctoritate nostra, eos præmissis omnibus, & singulis juxta præsentium tenorem pacifice frui, & gaudere, non permittentes eos desuper a quoquam quavis auctoritate quomodolibet molestari; Contradictores quoslibet, & rebelles, ac præmissis non parentes, per sententias, censuras, & pœnas Ecclesiasticas, aliaque opportuna juris, & facti remedia, appellatione postposita compescendo, legitimisque super his habendis servatis processibus sententias, censuras, & pœnas ipsas etiam iteratis vicibus aggravando, invocato etiam ad hoc, si opus fuerit, auxilio brachii secularis.

Contrariis derogat.

§. 5. Non obstantibus præmissis, ac Constitutionibus, & Ordinationibus Apostolicis, ac Ordinis, & Congregationis hujusmodi, etiam juramento, confirmatione Apostolica, vel alia quavis firmitate roboratis, statutis, & consuetudinibus, cæterisque contrariis quibuscumque.

Transumptis creoli jubet.

§. 3. Volumus autem, & auctoritate prædicta decernimus, ut præsentium transumptis, etiam impressis, manu alicujus Notarii publici subscriptis, ac sigillo persone in dignitate Ecclesiastica constitute munitis eadem prorsus adhibeatur fides,

adhiberetur, quæ præsentibus, si forent exhibitæ, vel ostensæ.

Datum Romæ apud Sanctum Petrum, sub Annulo Piscatoris, die 4. Januar. 1646. Pontificatus nostri Anno II.

Dat. die 4. Jan. 1646. An. II.

L.

Ut Alumni Collegii Anglorum Duacen. possint promoveri ad Ordines, etiam Majores, & Presbyteratus absque titulo, & Patrimonio cum dispensatione aliquarum irregularitatum.

Ex Regest. in Secret. brev.

Dilecto filio moderno, & pro tempore existenti Rectori Collegii Anglorum Duacen.

INNOCENTIUS PAPA X.

Dilectis fili salutem, & apostolicam benedictionem.

§. 1. DE tua singulari fide, prudentia, & doctrina plurimum in Domino confidentes, ea tibi benigne concedenda duximus, quæ infra scripti Collegii, & Alumnorum illius commodo, & utilitati profutura esse cognoscimus. De Venerabilium itaque Fratrum Nostrorum S. R. E. Cardinalium negotiis Propagandæ Fidei prepositorum consilio, ad quindecim annos proximos dumtaxat, & interim quantum Rectoris munere in isto Collegio Anglorum Duacen. fungeris, quo ipsius Scholares Alumni, post longos studiorum labores Sacerdotali Ministerio pro loci, & temporis necessitate fungi, ac functionibus sacris assistere, ac Ecclesiæ dicti Collegii Officia Divina præstare, seu uti operarii fructuosius mitti valeant, eisdem Alumnis, ut de tuo consensu, & examine præcedente, & absque literis dimissorius suorum Ordinariorum, & non obstantibus natalium defectu, super quo cum illis gratiose dispensamus, clericali militiæ adscribi, & aliquibus quatuor etiam feriatis, & continuis, vel interpolatis, seu unica diebus ad quatuor minores, necnon tribus Dominicis, vel aliis festivis pariter continuis, vel interpolatis diebus etiam absque ullo Beneficii, & patrimonii titulo, ad Sacros, & Presbyteratus Ordines extra tempora a jure statuta, & anni curriculo non expectato, nec servatis interdictis a Sacro Concilio Tridentino designatis, & absque eo, quod antequam, de uno ad alium Ordinem promoveantur, in primo quoque suscepto ministrare, aut alicujus Ecclesiæ servitio adscribi teneantur, & promoti in illis etiam in Altaris ministerio ministrare libere, & licite valeant.

Privilegia conceduntur Alumnis Collegii Anglorum Duacen.

§. 2. Necnon tibi, ut per te, vel confessorum idoneum, quem duxeris eligendum singulos Alumnos prædictos a quibusvis excommunicationis, & interdicti, alisque Ecclesiasticis sententiis, censuris, & pœnis a jure, vel ab homine quavis occasione, vel causa latis, quas ipsi pro tempore

re quomodolibet incurrerint, & a quibusvis peccatis, excessibus, & delictis quantumvis gravibus, & enormibus etiam in casibus in literis die Cœnæ Domini legi solitis contentis (conspirationis in personam, vel statum Rom. Pontificis, falsitatis litterarum, & scripturarum Apostolicarum, delationis armorum, & aliorum prohibitorum ad partes infidelium, iniectionis manuum violentarum in Prælatos dumtaxat exceptis) absolvere, ac pro commissis poenitentiam salutarem, & cum eis injungenda eis injungere, & cum eis super irregularitate per eos quomodolibet (præterquam occasione Homicidii voluntarii, Bigamie, & hæresi) contracta dispensare libere, & licite valeas, auctoritate apostolica tenore præsentium facultatem concedimus, & indulgemus. Præsentibus post lapsum dictorum quindecim annorum minime valiturus.

Derogatio contrariis.

§. 4. Non obstantibus Constitutionibus, & Ordinationibus Apostolicis, ac in Universalibus, Provincialibusque, & Synodali Conciliis editis generalibus, vel specialibus, cæterisque contrariis quibuscumque.

Dat. die 16. Febr. 1646. An. II.

Datum Romæ apud Sanctum Petrum, sub Annulo Piscatoris die 16. Febr. 1646. Pontificatus nostri Anno II.

L. I.

Constitutio super recessu S. R. E. Cardinalium a Statu Ecclesiastico sine licentia Summi Pontificis, & reditu eorum, qui sine licentia hujusmodi recesserunt, ad Romanam Curiam.

Aliam Constitutionem edidit Urbanus VIII. circa Cardinalium ab Urbe discessum ultra 40. mill.

INNOCENTIUS EPISCOPUS

Ad futuram rei memoriam.

Exordium.

CUM juxta Sacrorum Canonum dispositionem Venerabiles Fratres nostri Sanctæ Romanæ Ecclesiæ Cardinales in partem solitudinis Apostolicæ sint vocati, ut Romano Pontifici pro tempore existenti personaliter assistant, & in regimine universalis Ecclesiæ eorum operam præstent, dicanturque pars corporis, & membra ipsius Pontificis, ac diversis Ecclesiis Almæ Urbis pro eorum Cardinalatus titulo, seu Diaconia præficiantur, & propterea apud eundem Rom. Pontificem in Romana Curia residere teneantur, merito jam pridem nonnulli Rom. Pontifices Prædecessores nostri provide considerantes, quâ indecens, & detestabile sit, quod Cardinales locum, & mansionem adeo sublimem contra eorum officii debitum, deserant, & quod culpabilis est, non obtenta ipsius Pontificis pro tempore existentis licentia a Statu Ecclesiastico discedant, varias Constitutiones, & Decreta recessum

Causæ hujus Const.

hujusmodi prohibentia sub diversis poenis etiam per Romanos Pontifices pro tempore existentes arbitrandis ediderunt.

§. 1. Quia vero desuper satis provivum non esse experientia doceatur, & ne tam perniciosum malum in dies crescere contingat, opportuniorem remedia adhibere, decrevimus. Motu proprio, ac ex certa scientia, & matura deliberatione nostris, deque Apostolicæ potestatis plenitudine, hac nostra perpetua Constitutione statuimus, decernimus, & declaramus, ut omnes, & singuli ejusdem Sanctæ Romanæ Ecclesiæ Cardinales nunc, & pro tempore existentes, qui non obtenta a Nobis, & Romano Pontifice pro tempore existente licentia extra temporalem Status Ecclesiastici ditionem imposterum se transferrent, statim, & eo ipso absque aliqua Judicis, vel alterius præcedente declaratione omnibus, & quibuscumque privilegiis, immunitatibus, exemptionibus, & indultis, etiam conferendi Beneficia Ecclesiastica, necnon transferendi pensiones, seu fructus Ecclesiasticos, etiam loco pensionum reservados, ac testandi, & disponendi sibi quomodolibet a Sede Apostolica concessis, privati sint, & existant.

Statuit ne Card. extra statum ecclesiasticum sine licentia Sum. Pontif. recedant.

§. 2. Ac insuper etiam poenam interdicti ingressus Ecclesiæ eo ipso pariter abque aliqua declaratione incurrant. Necnon etiam aliis per Nos, & Successores nostros Romanos Pontifices quovis modo arbitrandis poenis subiaceant, & ad sequendum omnium, & singulorum fructuum, reddituum, proventuum, jurium, obventionum, & emolumentorum universonum, tam quorumcumque officiorum, & munerum, etiam majorum, etiam consistorialiter concessorum, specialique nota, & expressione dignorum, quæ quomodolibet, etiam ex titulo venenoso, quam Monasteriorum, & aliorum quorumcumque beneficiorum secularium, & quorumvis Ordinum etiam Sancti Antonii Viennen., & Hospitalis Sancti Joannis Hierosolymitani regularium, etiam Jurisdictionem sive spirituales, sive temporales habentium, quæ in titulum, commendam, administrationem, & aliâs quovis modo obtinent, & pro tempore obtinebunt, necnon pensionum super quibusvis fructibus Ecclesiasticis, ex quavis causa, etiam alimentorum, & sustentationis, ac alias quomodolibet eis assignatarum, & fructuum Ecclesiasticorum, etiam loco pensionum ipsis reservatorum deveniri, etiam sine aliqua citatione, intimatione, vel declaratione possit, & debeat. Et si prædicti Cardinales per sex menses, quos pro tribus canonicis monitionibus, peremptoriisque dilationibus, & terminis assignamus a die eorum recessus hujusmodi computandos ad Romanam Curiam personaliter, & cum effectu non redierint, ultra poenas, & alia supradicta, ac cumulative cum illis etiam eo ipso, ut præmittitur, incurrant poenas privationis omnium, & singulorum fructuum, reddituum, proventuum, jurium, obventionum,

Contravenientibus poenas imponit.